

Allannguutissatut siunnersuut

uunga

**Siunnersuut uunga: Utoqqalinersiaqarneq pillugu Inatsisartut inatsisaat nr. xx, xx.xx  
2015-imeersoq**

Pingajussaaneerinninnermi Naalakkersuisunit saqqummiunneqarpoq.

§ 5-imut

**1. § 5, Imm. 2 ima allanneqassaaq:**

” *Imm. 2. Utoqqalinersiaqartut utoqqalinersiaqanngitsumik aappaqartut utoqqalinersianut tapeqassapput utoqqalinersialimmum kisimiittumut tunniunneqartumut annertussuseqartumik, utoqqalinersiaqartoq aapparisatalu isertitaat maanna atuuttut ukiumut katillugit kr. 200.000-t ataallugit isertitaqarpata. Utoqqalinersianut tapeq utoqqalinersiallip aappaatalu isertitaanit toqqammavagineqartunit 53 pct-imik appartinneqassaaq kr. 83.000-inik ilanngaaserlugit.”* ”

§ 12-imut

**2. § 12, imm. 2 ima allanneqassaaq:**

” *Imm. 2. Utoqqalinersiaqalersitsisoqartillugu aamma isertitani maanna atuuttuni anner-tuumik allanngortoqartillugu isertitat maanna atuuttut ilimagineqartut tunulequtaralugit uto-qqalinersiat naatsorsorneqassapput. Allannguuteqartoqarnerup kingorna nalimmassaaneq qaammatip aallaqqaataani atuutilertassaaq.”* ”

§ 20-mut

**3. § 20, imm. 1 ima allanneqassaaq:**

” **§ 20.** Utoqqalinersianik tapiliussaasinjaasullu ilanngullugit pisinnaatitaanermut imaluun-niit nalimmassaasoqarnissaanut tunngasuni atugarisatigut allannguuteqartoqartillugu uto-qqalinersiaqartoq communalbestyrelsimum paasissutissiinissaminut pisussaatitaavoq. Uto-qqalinersianik tapiliussaasinjaasullu ilanngullugit pisinnaatitaasoq kommunit aggornerisa avataani najugaqartoq Naalakkersuisunut paasissutissiinissaminut pisussaatitaavoq.” ”

## Inatsisisatut siunnersummut oqaaseqaatit

### **Siunnersummut oqaaseqaatit nalinginnaasut**

Utoqqalinersiaqarneq pillugut inatsisartut inatsisisaattut siunnersuut siullermeerneqarpoq 8. oktober 2015. Siullermeerneqarnerata kingorna inatsisisatut siunnersuut Ilaqutariinnermut Peqqissutsimullu Ataatsimiitaliamut suliassanngortinneqarpoq. Siullermeerinninnerup aappaasaaneerinninnerullu akornanni inatsisisatut siunnersuut pillugu politikkikkut oqallinnerit kingunerisaannik Naalakkersuisut siunnersummut aallannguutissamik siunnersuuteqarput. Inatsisartut Ilaqutariinnermut Peqqissutsimullu Ataatsimiitaliaat isumaliutissiisummit aappaasaaneerinninnermut atorneqartumik tunniussaqarput.

Matuma inatsisiilornerup saniatigut Ineqarnermut tapeqartitsineq pillugu aamma Siusinartumik pensionisiaqarneq pillugu Inatsisartut inatsisisaattut siunnersuutit akornanni ataqtigiissaarisoqarpoq. Pingajussaaneerinninnissap siornagut suliaqarnermi erserpoq oqariaaseq "isertitat maanna atuuttut" pillugit allannguutissatut siunnersuusiornissaq pisariaqartinneqartoq tamannalu pillugu aalajangersakkani ataasiakkaani oqaatsitigut erseqqissaasoqartariaqartoq.

Isumaliutissiissut tunulequtaralugu inatsimmi § 20, imm. 1 pillugu oqaatsitigut ersarissaasoqarpoq. Taamattaaq § 5, imm. 2-mi inuit pineqartut pillugit ersarissaateqarnikkut naqqiisoqarpoq. Naggataatigut § 12, imm. 2 allanngortinneqarpoq pissutsini marlunni pineqartuni isertitat maanna atuuttut ilimagineqartut tunngavigalugit utoqqalinersiat naatsorsorneqartarnisaannut tunngatillugu.

Taamattaaq oqaaseqaatini nalinginnaasuni oqariaaseq "isertitat maanna atuuttut" pillugit ersarissaammik ilanngussisoqarpoq.

Allannguutissatut siunnersuut aningaasaqarnikkut allaffissornikkullu kinguneqassanngilaq.

#### *Isertitat maanna atuuttut*

Allannguutissatut siunnersummi oqariaaseq *isertitat maanna atuuttut* ersarissarneqarpoq.

Isertitat maanna atuuttut tassaapput isertitat A-t aamma B-t ilanngaatissaq ilanngaatigereer-lugu. Isertitat maanna atuuttuni isertitat akileraarutaasussaanngitsut tamaasa ilanngunneqartussaanngillat, DIS-imiit aamma GIS-imiit isertitat eqqaassanngikkaanni.

## **Aalajangersakkanut ataasiakkaanut oqaaseqaatit**

### *Nr. 1-imut*

Imm. 2-mut

Siunnersuutaavoq utoqqalinersiallit utoqqalinersiaqanngitsumik aappaqartut utoqqalinersiallip apparisaatalu ukiumut isertitaat maanna atuuttut kr. 200.000 qaangersimanngippatigit, utoqqalinersiaqartoq kisimiittutut isigineqassasoq. Tamanna pissaaq utoqqalinersiaqartoq utoqqalinersianut tapinik kisimiittutut annertussuseqartunik pisarneratigut.

### *Nr. 2-mut*

Imm. 2-mut

Aalajangersakkap oqaasertai allanngortinneqarput, utoqqalinersiaqartoqalersillugu aamma isertitani maanna atuuttuni annertuumik allanngortoqartillugu isertitat maanna atuuttut ilimagineqartut tunuliaqtaralugit utoqqalinersiat naatsorsorneqartassammata.

Piffissami utoqqalinersiaqalerup nalaani annertuumillu allanngortoqartillugu isertitat ilimagineqartut tunngavigneqarnissaat pingartinneqarpoq. Piffissami utoqqalinersiaqalersinerup aamma annertuumik allannguuteqartoqarnerata nalaani isertitat maanna atuuttuni allannguutaasut pereersimakkajummata qinnuteqaateqarnerup piffissap siuliani isertitarineqartuni tunngassutilinni paassisutissat naleqqukkunnaarsimasassapput. Taamallillugu isertitat maanna atuuttut ilimagineqartut pingartinneqarput.

Utoqqalinersiat naatsorsorneqarnerini tunngavigneqartuni allannguuteqartoqarnera pissutsini ataasiakkaani nalilersuisoqaqqaartassaaq. Annertuumik allannguutaasuni assersuutaasin-naavoq utoqqalinersialimmi aappaqarnikkut allanngortoqarnera imaluunniit utoqqalinersiaqartup apparisaataluunniit suliffeqarnikkut attuumassuteqarnerannut allannguutaasin-naasut.

### *Nr. 3-mut*

Imm. 1-imut

Aalajangersakkap aalajangersarpaa utoqqalinersianut tapiutaasinjaasunullu pisinnaatitaaner- mut attuumassuteqartuni allannguuteqartoqartillugu utoqqalinersiaqartoq nammineerluni nalunaaruteqartussaatitaasoq aningaasartat tunniunneqartartut nalimmassarneqarnissaannut kinguneqarsinjaasumik. Tamassuma kinguneraa aningaasaqarnikkut aamma inuttut pissutsini allanngortoqarnerani utoqqalinersiaqartoq nalunaaruteqarnissamik pisussaatitaasoq, asser-

suutigalugu katinnikkut imaluunniit avinnikkut, aamma tassunga atatillugu nalunaarsukkamik inooqateqarnermut tunngatillugu, inooqateqalernikkut imaluunniit isertitaqarnikkut allanngortoqartillugu. Utoqqalinersiaqartut tapiliussaasinnaasunillu pisartagaqartut kommunit aggornerisa avataanni najugaqartut Naalakkersuisunut nalunaartussaatitaanerannik aalajangersagaq oqaatsitigut ersarissarneqarpoq.